



Mai ioun Beretitenti Thomas S. Monson

Te Kabobirimwaaka n te Maiu

Ti roko maia? Bukin tera ti mena ikai? Ti na nakea imwiin te maiu aei? Akea manga tangiran titiraki aikai a teimatoa n tuai ni kaekaaki.

Tariu ma mwaaneu aika a tangiraki, n te moaningabong aei I kan taetae nakoimi ibukin koaua aika akea tokii—koaua ake a na kateimatoai maiura ao n nooria bwa ti na okiri mweengara ma te kamanoaki.

A ienikuri aomata n taabo nako. Te wanikiba e kabutimwaakaa ni korakoran intinin te tiete ni uotia ana bwatintia aika a kakawaki ri aon kontenanti ma marawa ni kakioan bowi ma bitineti, katiaan mwioko, kakukurein te kamaangang, ao kawarakiia utu. Kawai ao taabo ni bane—n ikitaki ma kawairieta, kawai rinanon maunga, ao kawaiinmotoka—a uoti mirion ma mirion kaa, a kaonaki irouwia mirion ma mirion aomata, n akea tokin te mwamwananga ao mwatikurikurin kakaokoron biriakinan karaoan kanoan te bong koraki.

Ni butin te maiu ae rang ni birimwaaka e reke ara tai n tei moa tabeua te tai bwa ti kainnanoi ara iango—n iangoakin koaua aika aki bilitaki?

Ni kobotaua ma koaua aika akea tokii, angii titiraki ma tabeaiangara ni maiura ni katoa bong a aki rang ni kakawaki. Tera ara katairiki? Tera karan te katangaina ae ti na beenia iai? E na ira te butiboro Johnny? Titiraki n aron aikai ao a mwaiti riki n aron aika a bebete ao a kona n taobaraeaki n tain te kaangaanga, n te tai are a maraki ke a ikoaki ake a tangiraki iroura, ngkana e roko te aoraki n te mweenga ae marurung, ngkana e karia n aoraki temanna ao e a kaan ni matena. E korakora riki matairikin ara iango, ao e bebete ara konaa n ataia bwa tera ae moan te kakawaki ni koaua ao tera ae aki rangin kakawaki.

N te tai ae aki maan I kawara temanna te aine are e kekeiakina aorakina are kamamate i nanon te maan ae uoua te ririki. E kaotia bwa i mwaain bwakana n aoraki, e korakora katabeana n te bong koraki n aron kaitiakan ana auti ni katamaroa ao ni kanoaia ma bwain nanon nako te auti. E kawara ana tia koroira uatai

n te wiki ao e kabanemwane ma ni kabanetai ni katoa namwakaina ni kaboo-kunniakai. E burenibwai kakao-akiia tibuna, ibukina bwa e korakora riki ana tabeaiangara n taai nako n ana bwaai aika moani kakawaki bwa tokina ana kamangaoaki ke nu uruaki irouia tibuna aika uarereke.

Ao ngkanne e a reke rongorongona irouna ae kakubanako bwa inanon maiuna ao iai aorakina ae kamamate ao e a reke raoi taekana bwa e na kona ni mate iai n te aro are e na rang ni kimototo ana tai ikai. E taku naba bwa ngke e ongo ana tutuo te taokita i aona, e a ataia n te tai ae waecko bwa e nang kabonganaa nikiran ana tai ma ana utu ao raoraona ma te euangkerio bwa aan maiuna, bwaai aikai a tei ibukin bwaai are a rang ni kakawaki nakoina.

N aron ae iai taai tabeua aika a oota a kona n roko iroura ni kabane n te tai teuana ma teuana, e ngae ngke tiaki rinanon bwaai aika a riki. Ti noora matatana bwa tera ae rangin kakawaki inanon maiura ao ti na kanga ni maiu.

E taku te Tia Kamaiu:

“Tai kaiko ami bwai i aon te aba, ike e kang bwaai iai te koa ma te rara, ao a uruuru ma n irae taan ira:

“Ma kam na kaiko ami bwai nako karawa, ike a aki kang bwaai iai te koa ma te rara, ao a aki uruuru ma n irae taan ira:

“Bwa ike e mena iai ami bwai, ao a mena naba iai nanomi.”¹

N ara tai n iango ke ni kainnanora ae rang ni korakora, e rokoroko ri karawa tamnein te aomata, n ukeukeran te kaeka mai karawa nakon ana titiraki aika a rang ni korakora n te maiu: *Ti roko mai ia? Bukin tera*

ti mena ikai? Ti na nakea i mwin kitanakin te maiu aei?

Taian reke nakon titiraki aikai a aki kuneaki i nanoaan kunin booki n reirei aika a ririeta ke man ukerakin te Intanete. Titiraki aikai a ri aon te maiu ae mamate. A irekereke ma te maiu ae akea tokina.

Ti nako mai ia? Ngkana e aki tae-kinaki, ma te titiraki aei bon te iango ae aki kona n aki tabeakinaki, irouia aomata nako are a ataia bwa a kaman riki i mwaain te maiu ae mamate.

Te Abotoro are Bwauro e tuangia I-Atenai i aon Tabukin Mwaati bwa “ngaira kanoan te Atua.”² Ngkai ti ataia bwa rabwataro bon kanoia ara karo aika mamate, ti riai ni kakaaea bwa tera nanon ana kibuntaeka Bwauro. E katanoataa te Uea bwa te tamnei ao te rabwata bon rabwatan te aomata.³ Ai ngaia are te tamnei bon kanoan te Atua. Te tia koroboki n Ebera e taekinna bwa “Taman rabwataro.”⁴ Tamneiia aomata ni koauana bon “natina mwaane ao natina aine aika E tangiriia.”⁵

Ti ota bwa taani kario aikai a kungairia bwa ti na, kamatebwaia aron te bwai aei, rongorongo aika a koreaki aika a kaungaa ao koreakin iango aika a raka aroia. William Wordsworth te tia kario ae te i-Engiran 1770–1850 e korea teuana te koaua:

*Bungiakira i aon te aba
ikai kaanga te matu ao te
mwamwaninga:
Te rabwata are ioura ngke ti
bungiaki titebo ma te itoi.
E riki mangkoa i mwaain bu-
ngiakira nakon te maiu are
mamate.
Ao e roko mai ke raroa:
Ti aki mwaninga bwaai ni
kabane,
Ao tiaki n akean aki tauraoira,
Ibukina bwa ti kaonotaki ni bu-
ngiaki ma mwakoron te maiu
n Atua i nanora
Mai ioun te Atua, are bon
mweengara:
Ngkai ti ataei ti bon toma naba
nako karawa!*⁶

A iangoi mwiokoia kaaro n reirei, ni kaungaa, ao n anga kairiirao katotoo. Ao n te tai are a iango kaaro, naati—riki te rororrikirake—a tabeki titiraki aika a kakawaki bwa bukin tera ti mena ikai? Ae taneiai te aba iai, e karaurauaki taekinakina nakon te rabwata ao ni bitaki taekinana, e aera bwa I I mena ikai?

Ti riai ni kakatonga ngaira bwa te Tia Karikibwai ae wanawana e karika teuana te aonaaba ao E katikuira ikai ma te rabunanimata ni mwaninga n aron rikira are mai mwaaina bwa ti aonga n rinanon te tai ni kataaki, te tai ni kakoauaira bwa ti aonga ni bwaati nakon bwaai ni bane ake E katauraoi te Atua ibukira bwa ti na karekei.

Ni kamamatatana raoi, te bwai are kakawaki bukin rikira i aon te aba bwa karekean rabwataro n iriko ao n ri. Ti a tia n anganaki te bwai-n-tangira ae inaomatara n rinerine. Ni kawai aika a ngaa, ti tekeraoi n rinerine i bon ibukira. Ti reiakinna ikai man baireara ae matoatoa baiket i taneiai iai ni karaoi i bon ioura. Ti kona ni kaokoroi bwaai i marenan te raoiroi ao te buakaka. Ti kaokoroi bwaai n aron aika a mao ao aika a karewe. Ti kunea bwa iai mwilia i irekereke nakon ara mwakuri.

Ongotaekara nakon Ana tua te Atua, ti kona n tau ibukin te “auti” are E taekinna Iesu ngke E katanoataa: “A batu nne ni maeka n Ana auti Tamau. . . . I nako ni katauraoi nnemi i mwaaimi . . . bwa ike I mena iai kam na mena naba iai.”⁷

E ngae ngke ti roko n te maiu ae mamate “kanikina ibukin te mimitoro,” e reitanako te maiu n aki toki. Te rororrikirake e rimwin ana tai n ataei, ao e karaurau n roko bwa te ikawai. Man te taneiai are ti reiakinna ni kainnanoan reken karawa ibukin te ibuobuoki ngkai ti karaoi kawaira ni waakin maiura.

Te Atua, Tamara, ao Iesu Kristo, ara Uea, a tia ni katanea te kawai nakon te kororaoi. A weteira bwa ti na tou mwin koaua aika akea tokiia

ao n riki iai ni kororaoi, n aron ae a kororaoi.⁸

Te Abotoro ae Bwauro e kati-tebooa te maiu nakon te kabobirimwaaka n te kouru are teretere ikanne aron kabwarabwaraana. Nakoiiia I-Ebera e kairoroiiia, “Ti na kaakeaa . . . te bure ae kai nimtira, ao ti na botumwaaka ni biribirin te kabobirimwaaka ae kamenaaki i mwaaira.”⁹

Ni matatennanora, ti bia aki tarriaoa te reirei ae wanawana mai ioun Te Minita: “Te kabobirimwaaka tiaki nakon te birimwaaka, ao te buaka tiaki nakon te korakora.”¹⁰ Ni koauana e bwaina te kanuanga temanna are e teimatoa ni karokoa te toki.

Ngkana I rairaki i aon ana kabobirimwaaka te maiu, I uringa te aekaki ni kabobirimwaaka teuana, n au bong n ataei. Ngai ma raoraou ti uoti arararo ioura ao, man te kai ae marau ae te kai te wirou, ti karaoi booti n ta-kaakaro aika uarereke. Ni kanimwan iena te kunnikai ae turaeangkura, ti kabwakaa ara booti anne ni kauaiaa ni karaangan Provo i Utah ae birimwaaka butina. Ti biri rietan mata-niwin te karaanga ao n taratarai ara booti ake a uarereke n tebeteberake n aki akaaka n te aira ae birimwaaka ao n taai tabetai a buti raoi n are kamarawa.

N tain te uaia ae aron anne, ti noora teuana te booti are e rimaiia ni kabane ni kaineta te toki are koteaki. Akea bwa, e a uotia te aira ni kaaniia nakon te marebu are korakora, ao e a mwemwerake nakon iterana ao e inako. E a uotaki ni minoma n takaminomino, n aki kona n okira kawaina n te aira. N tokina e a roko nakon motirawana ae aki karaunano n te nei, ribuakon bwaai ni beibeti ma ake a koro ake a katobibia, n tauaki ni kamatoaki man kaon aroka mwaoti aika a kiriin.

Booti n takakaro n taai n ataei akea kabiia ibukin betiraoina, akea bweena ni kaeta butina, ao akea oini korakorana. Ni kantaningakina, aia tabo are kantalingaaki bon i nanon te ran—te kawai in tutuki.

Tiaki n aroni booti, ti a tia n
anganaki anuara mai karawa ake a
na kairi kawaira iai. Ti rin n te maiu
ae mamate n aki beti n airan te maiu
are buti ma te mwaaka n iango, n
taratara, ao ni karekea.

Tamara are i Karawa E aki karu-
oira n te ran ibukin boraura ae akea
tokina n akean karekean arora ike
ti kona ni karekea mai Irouna te kai-
rii ni kaetan okirakaakira ae rau.
I taekina te tataro. I taekina naba te
wirikiriki man te bwanaa ae tam-
roa ao man rau; ao I aki mwaninga
koroboki aika tabu, ake iai Ana taeka
te Uea iai ma aia taeka burabeti—
a karekeaki nakoira ni buokira ni
karokoira raoi n te tia.

N taai tabetai n ara mition ae ma-
mate, e kona ni kaoti n te aro ae aki
koaua, te matangare ae kua, marakin
te aoraki—n ikotaki ma tokin ika-
waira, rokon te amwaitoro, te ririki ni
kara, ao ai rinanon te bwai teuana ae
ti atonga bwa te mate.

Ni kabane aomata aika iai aia
iango a tia ni bon titirakinia te titiraki
ae raitaekaki n ae rang tamaroa iroun
Iobi are ngkoa: “Ngkana tao e mate
te aomata, ao e na manga maiu ke
e aki?”¹¹ E ngae ngke ti keiaki ni
korakora ni kaakeaa te titiraki man
ara iango, e aki toki n okioki. E roko
te mate nakoia aomata ni bane. E
kawaria kaara ngke a nakonako n
raanga aika mamaara. E ongo te aba
ana wewete te mate irouia naake a
karako n roko n nuukan kawaia ni
boraun maiuia, ao n angii te tai te
mate e katoka ngarengareia ataei aika
uarereke.

Ma tera are riki i mwin te mate? Te
mate tokin bwaai ni kabane? Robert
Blatchford, n Ana boki te *Atua ao
Raou, a konaaki ma butimwaeaan aia
koaua Kiritian n aron te Atua, Kristo,*
tataro, ao te aki mamate ae onoti.
E kamatata ma te ninikoria bwa te
mate bon te toki ni maiura ao bwa
akea ae kona ni kakoaua. Ngkanne
te bwai ae riki imwiina ae kamimii.
Nanououana ni bwaai aika a koaua
e maenako nako aontano. E kaotaki
ao n aki kamanoaki. N ae karaurau

e moana namakinan okina nakon
ana onimaki are e a tia ni bwaininga-
reia ao n urua. Te bwai are e karika
bitakin aroarona? E mate kainnabana
te aine. Ma te uruaki n nano e nako
nakon te ruu ike a tiku iai kauringaan
maiuna n rabwata. E a manga taraa
riki te ubu are e rangin mateakinna,
N otinakona, e taku nakon temanna
raoraona: “Boni ngaia, ao ngkai ai-
tiaki ngaia. A bitaki bwaai ni kabane.
Te bwai are e mena ikekei mai
mwaaina ai akea. Ai bon tiaki ngaia.
Tera ae kona n nako ngkana tiaki te
tamnei?”

Imwiina e kororia: “Te mate bon
tiaki te bwai ae a iangoia aomata.
Bon tii taraan ae kanga ko nako na-
non te ruu teuana. N te ruu arei ti na
kuneia . . . aine ao mwaane aika a tangi-
raki ao naati aika a kakateke aika a
tangiraki iroura ao aika a bua.”¹²

Tariu ma mwaaneu, ti ataia bwa te
mate bon tiaki te toki. Te koaua aei
e a tia n reiakinaki mairouia burabeti
aika a maiu rinanon ririki. E kuneaki
naba inanon booki aika a tabu. N ana
Boki Moomon ti wareki taeka aika a
onoti mani karaunano:

“Ao ngkanne ni kaineti ma aron
te rabwata i marenan te mate ao te
mangauti—Nooria, e a tia ni kaotaki
nakoia iroun te anera, bwa tamneia
aomata ni kabane, man te tai are a
kitana iai te rabwata ae mamate aio,
eng, tamneia aomata ni kabana e
ngae ngke a raoiroi ke a buakaka, a
bon uotaki n okira mweengaia nakon
te Atua are E angania te maiu.

“Ao ngkanne e na koro bukina
bwa, tamneia ake a raoiroi a na buti-
miaeaki nakon te aro ni kakukurei
are e bon aranaki bwa bwaretaiti, n te
aro ni motirawa, te aro n rau, are a na
motirawa iai man aia kaangaanga ni
kabane, ao man raraoma ni kabane,
man nanokawakiia.”¹³

I mwin taurakina te Tia Kamaiu ao
rabwatana e kaweneaki n te ruan-
imate i nanon tenibong, e manga
rin te tamnei. E karabinoaki nako te
atibu ao te Tia Kabooira are e a tia n
uti e nakonako, ni kunnikaiaki n te
rabwata n iriko ao n ri ae aki mamate.

Te reke nakon ana titiraki Iobi,
“Ngkana e mate te aomata, e na ma-
nga maiu riki?” n te tai are Maria ao
tabeman a kaineta te ruanimate ao
a noriia uoman mwaane ni kunnikaiia
n kunnikai aika a raneanea
ake a taetae nakoia: “Kam aera
ngkai kam ukoukora Teuare maiu
i buakoia mate? E aki mena ikai, ma
E a uti.”¹⁴

Bwa mwiin Ana tokanikai Kristo i
aon te ruanimate, ti na bane ni manga
kautaki. Aei te kamaiu n rabwata. E
koroboki Bwauro: “Iai . . . rabwata
aika bwain karawa, ao rabwata aika
bwain aon te aba: ma bon te tamaroa
teuana tamaroan bwain karawa ao te
tamaroa teuana tamaroan bwain aon
te aba.”¹⁵

Bon tamaroan bwain karawa ae ti
ukeria. Bon rokon te Atua are ti tan-
giria ni maekanna. Bon te utu n aki
toki are ti kani kaainna. Kakabwaia
n aron akanne a karekeaki rinanon
teimatoan te konabwai ae reitinako,
te ukeuke, rairannano, ao te tokanikai
n te kabane.

*Ti roko mai ia? Bukin tera ti mena
ikai? Ti nakea i mwin te maiu aei?*
N aki manga kainnanoaki titirakin
te aonaba aikai a tiku n aki kabooaki.
Mai kabin nanou ao inanon te nanori-
nano, I kakoaua bwa bwaai aikana
I taekin a boni koaua.

Tamara are i Karawa e kimwareirei
ibukiia naake a kawakin Ana tua. E
tabeaianga ibukin te ataei are e bua,
te roro ae tebwitabun ana ririki ae
kakaonimaki, te kairake aei e tiotio-
nako, kaaro aika taani kakaitara.
Ma te nanoanga e taetae te Mwaatita
nakoia naakai ao nakoia ni kabane:
“Oki. Waerake. Mai riin. Oki nakon te
mweenga. Mai nakoia.”

Inanon teuana te wiiki ti na buka-
marua te Itita. Ara iango e na oki na-
kon maiun te Tia Kamaiu, Matena, ao
Mangautina. Ngkai Ana Tia Kakoaua
ae onoti, I kakoaua nakoimi bwa E
maiui ao E kantaningai okira ma te
tokanikai. Te oki n ai aron anne bon
ara bwai, I tataro n arana ae tabu—
Iesu Kristo, ara Tia Kamaiu ao te Tia
Kabooira, amen.

BWAAI AIKA A NA TARAAKI

1. Mataio 6:19–21.
2. Mwakuri 17:29.
3. Taraa Doctrine ao Covenants 88:15.
4. Ebera 12:9.
5. Taraa Doctrine and Covenants 76:24.
6. William Wordsworth, *Ode: Intimations of Immortality from Recollections of Early Childhood* (1884), 23–24.
7. Ioane 14:2–3.
8. Taraa Mataio 5:48; 3 Nibwaai 12:48.
9. Ebera 12:1.
10. Te Minita 9:11.
11. Iobi 14:14.
12. Taraa Robert Blatchford, *More Things in Heaven and Earth: Adventures in Quest of a Soul* (1925), 11.
13. Aramwa 40:11–12.
14. Ruka 24:5–6.
15. 1 Korinto 15:40.

Reirei Ibukin Ara Tai

Reirei n te nakoa ni ibonga te Merekiteraka ao te Bootaki n Aine iaon te kaaua n Taabati a tangiraki nakon “Angareirei ibukin Ara Tai”. Man reirei aikai a kona n kataurao-aki man teuana ke maroro ake a kanankoaki n te maungatabu ni kabuta ae e a tibwa nako (taraa te tiata inano). Beretitenti nTiteiki ao mwakoro a kona n rinea bwa e ngaa reirei ake ana kabonganaki, ao ana anga te katabeaki nakoia bitiobi ao beretitenti ni mwaanga. Taan kairiri maane n te nakoani-bonga n te Merekiteraka ma taari aine n te Bootaki n Aine a na kamatebwai reirei aikai n katoa Taabati.

Naake a ira te kaua n Reirei n Tabati a kaungaaki bwa a na kamatebwai a o uotii nakon te kiraati maroro ake a koreaki n te maekatiin n te kabane ni maungatabu ni kabuta.

Tabeua iango ibukin Katauraoan te Reirei man Maroroo

Tatarai bwa te Tamnei ae Raoiroi e na mena iroum ngkana ko

kamatebwai ao n reirei iaon (taian) maroro. Ko kona ni kaririaki bwa ko na katauraoi reirei man bwaai tabeua, ma te maroro n te maungatabu bon karikiram aika a tia ni kariaiakaki. Tabem bwa ko na buokiia aomata n reiakina ao ni maiuakina te euangkerio are e rei-riaki taekana n te maungatabu ae e a tibwa otinako man te maungatabu n te Ekaretia.


Manga rinanon (taian) maroro, taratarai koaua ao reirei ake a kaitara ma kainnanoia kaain te kiraati. Taratarai naba karaki, kiibu nakon koroboki aika a tabu, ao mwakoro n taeka man (taian) maroro ake a na buokiko n reiakinii koaua aikai.

Kamataata raoi bwa ko na kangaan reiakin reirei ao tuua a riai n reitii titiraki n buokiia kain te kiraati.

- Taratarai reirei ao tuua n (taian) maroro.
- Iangoi nanoia.
- Tibwa te oota, iango, atatai, ao koaua nako.
- Karaoi reirei ao tuua aikai ni maiuia.

REIREI N NAMAKAINA A NA REIAKINAKI	KAAUA-N TABATI BWAAI N REIREI
Eberi 2012–Okitoba 20112	Reirei ake a kanakoaki n Eberi 2012 maungatabu ni kabuta*
Okitobwa 2012–Eberi 2013	Reirei ake a kanakoaki n Okitobwa 2012 ni maungatabu n kabuta*

* Ibukin reirei n te Kaaua n Taabati ibukin Eberi ao Okitobwa, maroroo aikai a na rinea man te maungatabu are mai muuaina ke man ae ai tibwa ngkai. Taian maroroo a tauraoi n taetae aika a mwaiti n conference.lds.org.



Iroun Beretitenti Henry B. Eyring
Moan Kauntira n te Moan Beretitentii

Te Tokanikai iaon Kangaanga

Ngkana iai ara onimaki iroun Iesu Kristo, ao te kabanea ni kangaanga n aron naba te kabanea ni beebeete n te maiu aei a kona n riki bwa taian kakabwaia.

Ongō iroun Beretitenti Spencer W. Kimball, n te tetere n te maungatabu, ni bubuti bwa te Atua e na anganna bwa e na tokanikai iaon kangaanga. “A korakora kakaewenako aika imwaira, tibwangara aika a korakora ake ti na kaitibo ma ngai. I butimwaea te kantanninga are kaunga ao I kan kangai nakon te Uea, ma te nanorinano, ‘Anganai te maunga aei,’ anganai kakaewenako aikai.”¹

E kaungaaki nanou, n ataia, ngke I karaoi, tabeua kakaewenako ao kangaanga are Beretitenti Kimbal e a tia ni kaitarai. I namakina te nano ae korakora ni kan riki n ai arona, ana toro te Atua ae ninikoria. Mangaiare, n te tairiki teuana I tataro ibukin kataakiu ni kakoaua ninikoriau. I kona n uringnga raoi. N te tairiki I katorobubua irarikin au kainiwene n te ruu ma au onimaki are e kuri ni kaona nanou ni kona n rebwetau.

Inanon teuana te bong ke uoua e a kaekaaki au tataro. Te kataaki ae te

kabanea ni matoatoa inanon maiu ao e karinanoai. E anganai te reirei ae uaitera. Te moan, I karekea te kakaua ae itiaki bwa te Atua e ongo ao e kaeka au tataro n onimaki. Te kauoua, I reiakina te reirei are I teimatoa n reiakinna ni karokoa ngkai bwa bukin tera e korakora au nano matoa n te tariki anne bwa te kakabwaia ae korakora e kona n roko man kangaanga nakon karaaoan kabomwi ake a na karaoaki.

Te kakaewenako are I rinanona n taai aika a nako e taraa ngkai ni ua-rekeke ni kabotauaki ma are e roko ngkekei—nakoiu ao nakoia ake I tangiriia. A mwaiti iroumi aika a tia n rinanona n te maiu n rabwata, te iango, ao n rinanona kangaanga aika a roota te namakin are ko kona n tang n aron are te toro temanna ae korakora man kakaonimaki are I rangi ni kiniaa. Ana neeti e ongo tangina iaon ana kainiwene ngke e namakina te maraki: “Ngke I a tia ni kata maiu ni kabane bwa a na

raoiroi, ao bukin tera ngkai e riki aei nakoiu?”

Ko ata aron ana kaeka te Uea na-kon te titiraki anne ngke te Burabeti ae Iotebwa Timiti e tiku inanon te karabuti:

“Te Uea e tuanga Iotebwa Timiti bwa ngkana e riai ni karenakoaki inanon te kinono, ke inanon baia taan tiritiri, ao bairean taekana bwa e na mate; ngkana e na karenako-aki n te ran ae nano; ngkana nao aika bubura a ikoikotaki ni kaitara; ngkana te ang ae korakora a riki bwa ana kairiribati; ngkana karawa a ikotaki n te rotongitong, ao bwaai ni kabane a ikotaki n tuuka te kawai ao iaoia ni kabane, ngkana moone e na kaurea wiina ni kabwautia, e riai n ataia bwa bwaai aikai ni kabane e a anganaki bwa e na rinanona, ao anne bon ibukin tamaroana.

“E taku te Uea bwa Natin te Aomata e na ruo rikaki nakoia ni kabane, ao Iotebwa e korakora riki nakoina?

“E taku te Uea bwa n taua nako te kawai, ao te nakoanibonga e riai n tiku irouna, bwa a tia ni kabaeaki, a aki kona n nako mai iai. Ana bong Iotebwa a bon ataaki, ao ana ririki e na bon warekaki ni kamangoraki; e na aki maaka are a na kona ni kara-oia aomata, bwa e na mena irouna te Atua n tainako ao n aki toki.”²

N taraana irou ao akea riki te kaeka ae tamaroa riki nakon te titiraki bwa bukin tera ngkai a roko kakaewenako ao tera ae ti na karaoia nakon ana taeka te Uea Ibon irouna, are e rinanon kataaki ibukira ake a korakora riki nakon are ko kona n iangoia.

Ko uringa Ana taeka ngke E reirei

bwa ti riai, man ara onimaki Irouna, ti na raira nanora:

Te Tia Kamaiu e a tia n tuangiira bwa ti na rairinanora bwa e na aki kataereira ni Wiina ae te biti ao n korakoran unna ao man Unna e na korakora marakira—ao aekakira marakira ti aki ataia, ao tamaroara ti aki ataia, matoara uotakina ti aki ataia.

Te Tia Kamaiu e taku bwa e a tia ni korakai ni bwaai aikai ni kabane bwa e aonga n ae a aki korakai ngkana a rairinanoia.

Te Tia Kamaiu e taku bwa ngkana aomata aki rairinanoia, a riai ni korakai n ai arona.

Korakaina e karekea nakoina, ao te Atua naba, te kabanea ni korakora iaoia ni kabane, n ruru ibukin marakina, n titinako te rara man bwangabwangan kunna, ao ni korakai n te rabwata ao n te tamnei—Te maraki e rangi ni korakora n te aro are e buti bwa ngkana e kona ni kamawaaki mai irouna.

“E ngae n anne, e angan te Tama te mimitong. E karekei ao e kabanei Ana katauraoi ibukira.”³

Ngkoe ao ngai iai ara onimaki bwa te kawai are ti na teirake mai iai rinanon ao riaon kataaki bon te kakoaua bwa iai te “b’am i Kireata”⁴ ao e a tia ni berita te Uea, “N na bon aki . . . kitaniko.”⁵ Anne are e a tia n reireniira Thomas S. Monson ni buokiira ao naake ti beku ibukiia n te bwai are e kamaroa ao n kakaewenako aika korakora.⁶

Beretitenti Monson e a tia ni kaman wanawana n reirei bwa aan te onimaki ni koaua ni berita akanne e karekeaki n taina ae maan. Ko a tia n noora kainanoan aana ngke ko mena irarikin ana kainiwene temanna ae tauraoi n taenikai n te buaka n te buakaka n teimatoa n ua te toki. Ngkana aan te onimaki anne tiaki mwakoron nanora, te mwaaka n teimatoa e na bwaka.

Au kantaninga n te bong aei bwa ti na kabwarabwara bwa tera are I ataia n aron ae ti kona ni kawenea aan te kateitei ae aki kakamwai-ngaki. I kona ni karaoira ma te

nanorinano ae korakora ni bukina aika uoua. Te moan, te bwai are I taekinna e kona ni kabwarai nanoia tabeman ake a ininimaki i nuukan te kangaanga ae korakora ao a kona n namakina aan aia onimaki ae e a bwaka. Ao te kauoua, I ataia bwa korakoran riki te kataaki are e wene imwaira imwain tokin te maiu. Mangaia are te reirei are I anganiko n te tai aei e na kakoaua-aki inanon maiu rinanon au teimatoa nuua te toki.

Ngke te kairake ni mwane I mwakuri ma te tia kateitei e karababai mai nano n tibwatibwa te uota ao aan kateitei ibukin auti aika a boou. Ni kabuebuen te tiamwa e bon kangaanga te mwakuri ni katauraoa aontano ibukin te kairi are ti na kabwaroa iai te timanti ibukin aana. Bon akea te mitiin. Ti kabongana te beke ao te tiabora. Katean aan kateitei are a na teimaan ibukin kateitei bon te mwakuri ae matoatoa n taai akekei.

E kainnanoa naba te tataonannano. Imwiin kabwaroan te timanti mai inano ti tataninga bwa e na mwau. Mwaitin te tai ibukin karaokin te mwakuri ti a manga bon tataninga imwiin te kabwaro imwain ae ti koutanako te booma.

Ao ae e kakukurei riki nakon te tia kateitei bon te bwai are e taraa ni kabotu ao n taua te tai ni karaoon te mwakuri ni kawenei raoi biiti inanon booma imwain ae ti kabwaro timanti ni kamatoa aan te kateitei.

N te kawai ae aron anne, aontano e riai ni katauraoaki raoi bwa aana ara onimaki n kaitara te buaka are e na roko inanon maiura nako. Aan te kateitei ae matoatoa n te onimaki bon tamaroan te koaua.

Karaoon ara rinerine aika ae eti n tainako ngkana iai rinerine ake a roko nakoira e na kamatoai aan ara onimaki. E kona ni moanaki inanon uarerekera ngkai tamnei ni kabane a bungiaki ma te bwaintangira ae Tamnein Kristo ae akea boona. Ma te Tamnei anne ti kona n ataia ngkana ti a tia ni karaoa te bwai ae eti imatan te

Atua ao ngkana ti a tia ni karaoa te bwai ae bure i Matana.

Rinerine akanne, bubua inanon mwaitin boong, a katauraoa aontano ae matoatoa are e kateaki iai te onimaki. Bitin te mwakuri nikatobibia are bwain ara onimaki are e kabwaroaki bon ana euangkerio Iesu Kristo, ma berita aika a tabu, otenanti, ao taian reirei.

Teuana ma ibuakon kiing n teimatoa n te onimaki bon karaaoan babaire aika a eti n taina ae riai. Aio bukina ngkai I aki iangoia raoi ni moantai n tataro inanon maiu ibukin tokankai iaon kangaanga ma kataaki aika korakora.

Katokana e aki otomatiki n roko rinanon kawain te tai, ma e maan taina. N rikirake ni kara e aki riki ibon irouna. Bon te beku ibukin te Atua ao tabeman ma te nano ae onrake ao te tamnei are e karekei kakoaua n te onimaki n aki uruakan tamnei aika korakora.

Ngkai, I tangiria ni kaungaia naake a mena inuukan te kataaki ae matoatoa, ake a namakina aia onimaki bwa a na tabe ni bua iaan teimatoan te kataaki n te kangaanga. Te kangaanga ibon irouna e kona n riki bwa kawaim nakon te korakora ao n tokina ni karekea te onimaki ae e aki kai mwaing. Moronai, natin Moomon n ana Boki Moomon, e tuangiira bwa e kanga n reke te kakabwaiia anne. E reirei bwaai aika koaua man bebete are e a kamwakura te onimaki are e kariaia te Atua bwa e na karikirakea:

“Ao ngkanne, Ngai ae Moronai I kan taetae teutana ni kaineti ma bwaai aikai; I tangiria ni kaotia nakon te aonaaba bwa te onimaki bon bwaai aika a kantaningaaki ma aki nooraki; ngaia are, tai kauntaeka ibukina bwa kam aki noori, bwa kam aki kona ni karekea te bwai ni kakoaua ni karokoa ae e kataaki moa ami onimaki.

“Bwa bon man te onimaki are Kirsto e bon kaotia nakoia ara bakatibu, imwiin are e uti man te mate; ao e aki kona ni bon kaotia nakoia

aomata ni karoka moa ae iai aia onimaki irouna; bwa e bon aki kona ni kaotia nakon te aonaaba.

Ma ibukin aia onimaki aomata ao e a tia ni bon kaoti nakon te aonaaba, ma ni kamimitonga aran te Tama, ma ni katauraaoa te kawai are e kona tabeman ni katoonga te bwai n tangira mai karawa, bwa aonga ni kantaningai bwaai ake a tuai man noori.

“Ngaia are, kam kona naba ni kareke a te kantaninga ma n riki bwa taan katoonga te bwaintangira, ngkana iai iroumi te onimaki.”⁷

Teutana te onimaki e rangi ni kakaawaki ao are ko riai ni kawanina ao ni kabongana ni mwaitin are ko kona bon te onimaki inanon te Uea Iesu Kristo. Moronaai e reirei te mwaaka n te onimaki anne n te kawai aei: “Ao bon akea temanna n te tai teuana ae e a tia ni karaoa te kakai ni karokoa moa mwiin aia onimaki. Ngaia are a kakoaua moa Natin te Atua.”⁸

I kawara te aine are e a tia ni kareke a te kakai ni karekean korakorana rinanon ana tai ni kangaanga ma bee-beten kaokiokan taeka aikai irouna, “I ataia bwa e maiu au tia Kamaiu.”⁹ Te onimaki anne ao taeka ni kakoaua akanne a bon teimatoa n aki bane ni mauna nako n ana ururing ni uarerekena

I bon rangini mimii n ataia bwa te aine temanna e a tia ni kabwara ana bure te aomata temanna are e a tia ni kairua nakoina inanon ririki aika a mwaiti. I mimi ao I titirakinna bwa bukin tera ngkai e rinea bwa e na kabwara ana bure ao ni mwaninga ririki aika mwaiti ni bwainikirinaki aika kammaraki.

E kabebeetea bwanaana n taku, “Bon te kabanea ni bwai ae moan te kangaanga ae I kona ni karaopia. I bon tii ataia bwa I riai ni karaopia. Ngaia are I a karaopia.” Ana onimaki bwa te Tia Kamaiu e na kabwara ana bure ngkana e kabwarai aia bure tabeman e katauraopia n te namakin ao te kantininga ae rau n te tai are e kaitara iai te mate inanon tabeua namwakaina

imwiin kabwaraan ana bure ana kairiribai.

E kaekai, “Ngkana I roko ikekei ao e na aekakira aron karawa?”

Ao I kaeka, “I ataia man te bwai ae I nooria iroum n am konabwai ni kamwakura am onimaki ao ni kabwrai am bure e rangin tamaroa anne ibukin okiran mweengam.”

Au kaunganano nakoia ake a titiraki ngkana aia onimaki iroun Iesu Kristo e na tau ibukiia n teimatoa raoi ni ua te toki. I kakabwai aki n kinaia tabeman mai iroumi ake a kakauongo ngkai kam uarereke, ninikoria, tarena riki nakoia angiina ake mai ibuakomi, kam rinea ni karaoa are e na kaman karaopia te Tia Kamaiu. Mai ibuakon kakabwai aika a mwaiti ko kunei kawai ni buokiko ao n tabeakinia tabeman ake ko a tia n tannako mai irouia ke ko taraia bwa akea aroia inanon maium.

Ngkana a roko kataaki aika matotoa, te onimaki bwa ko na tokanikai iaoia, kateimatoa n aron ae ko ataia ngkai ma e naaki ngkana ko mwa-kuria ana tangira Kristo ae itiaki, n ibuobuoki ao ni kabwarabure n aron are e a tia ni karaopia te Tia Kamaiu. Ko katea aan te onimaki n tangiriia n aron are e a tia n tangiriia te tia Kamaiu ao ko na beku Ibukina. Am onimaki Irouna e kairiko ni karaopian te tangira ae itiaki are e na uota na-koim te kantininga.

E aki iremwe kamatoaan aan te onimaki. Iai te tai ni karaopana. Te onimaki inanon te Tia Kamaiu, ko kona n raira nanom ao ni bubuti ibukin kabwaraan buure. Iai temanna ae ko kona ni kabwaraa ana bure. Iai temanna ae ko kona ni karabwa. Iai temanna ae ko kona ni buokia. Ko kona ni karaopia n taabo ake ko mena iai e ngae ngke bon tii ngkoe ao ko namakina te maroaa.

I aki kona ni beritana tokin kataakimii n te maiu aei. I aki kona ni kakoaua nakoim bwa kataakim e na taraaki iroum bwa tii inanon tabeua te tai. Teuana aron te kataaki inanon te maiu bwa e na taraa ni

kawaeremwea te tai ao imwiina e na kuri n toki.

Iai bukin bwai ni kabane.

Ataakin bukina akanne a bon aki anga mwaitin te karaunano, ma a kona n anganiko te taotaonannano. A roko man te koaua ae ti teuana: N aia tangira ae kororaoi ibukim, te Tama are i Karawa ao te Tia Kamaiu e tangiria bwa ko na tau ni mena Irariki ni maeka ma utu n aki toki. Bon tii naake a tebokaki ni kaitiakaki raoi rinanon ana Mwakuri ni Kamaiu Iesu Kristo a kona n roko ikekei.

Tinau e buakana te kaentia inanon e kaniia 10 te ririki. Bwainaoraki ao kororoko ao n tokina wenena iaon ana kainiwene bon tabeua man kataakina.

I uringa tamau n taekina aei ngke e tarai a ngke e ana kabanean ikena, “Te ataeinnaine e a nakon mweengana ni motirawa.”

Temanna ibuakoia taan tia taetae n taunimateana bon buun tarina ao te rao ae Beretitenti Spencer W. Kimball. Ibuakon rainanoanga ake e anga, I uringa te bwai teuana ae aron aei: “Tabeman mai iroumi a na kona n iangoia bwa Midlred e wene ni maan ni maraki ibukin te kairua are e karaopia ngaia are e riai iai n rinanon kataaki.” E taku imwiina, “Tiaki, ibukina bwa te Atua e tangiria ni kaitiakia teutana riki.” I uringnga te tai are I iango iai, “ngkana te aine ae tikiraoi e kai-tiaki bwai aika mwaiti, ake a mena imwaiu?”

Ngkana iai ara onimaki iroun Iesu Kristo, taai aika matotoa n aron naba taai aika bee-bete inanon te maiu a kona n riki bwa kaka-bwaia. N aron ae ataaki, ti kona n rinea te eti ma ana kairiiri te Tamnei. Iai ioura ana euangkerio Iesu Kristo ni katamaroai ao ni kairii maiura ngkana ti rinea. Burabeti a kaoti na-koira ara taabo n te baire ni kamaiu, ti kona ni maiu ma te kantininga ae kororaoi ao te namakin ae rau. Ao ti aki kona ni kainnanoia n namakina bwa ti maroaa ke ti aki tangiraki n ana mwakuri te Uea ibukina bwa ti bon aki. Ti kona n namakina ana

tangira te Atua. Te Tia Kamaiu e berita bwa anera i angamaingira ao n angataira a na kabebeteira.¹⁰ Ao E taua Ana taeka n tainako.

I kakoaua bwa te Atua te Tama e maiu ao Natina ae Tangiraki bon te Tia Kabooira. Te Tamnei ae Tabu e a tia ni kamatoa te koaua n te maungatabu aei ao e na manga kamatoa riki ngkai ti ukoukori, ngkai ti kakauongo

ao ngkai ti kamatebwaia imwiina ana rongorongo ana toro te Uea ake a mena ikai. Beretitenti Thomas S. Monson bon ana burabeti te Uea ni kabuta te aonaaba n te bong aei. Te Uea e bon taataraiko. Te Atua te Tama e maiu. Natina ae Tangiria, Iesu Kristo, bon ara tia Kaboira. Ana tangira e aki kona ni bwaka. I kakoaua naba n aran Iesu Kristo, amen.

BWAAI AIKA ANA TARAAKI

1. Spencer W. Kimball, "Give Me This Mountain," *Ensign*, Ensign, Nobemba. 1979, 79.
2. Doctrine and Covenants 122:7–9.
3. Doctrine and Covenants 19:15–19.
4. Ieremia 8:22.
5. Iotua 1:5.
6. Taraa Thomas S. Monson, "Look to God and Live," *Ensign*, Meei 1998, 52–54.
7. Ita 12:6–9.
8. Ita 12:18.
9. "I Ataia e Maiu Iesu," *Hymns*, no. 136.
10. Taraa Doctrine ao Covenants 84:88.